

[1]小雲同小吉，係日本卡通片《IQ博士》嘅角色，因為外形可愛而深入民心。

[1]「厚面皮」形容唔怕醜、唔怕瘀，唔在意其他人點樣睇佢而去照做，甚至有廉恥嘅人。

[2]「紮紮跳」可以形容一個人受到刺激而情緒激動，例如「撚到紮紮跳」或「激到紮紮跳」。

[3]「記缺點」係好多學校入面，用嚟懲罰/記錄學生過失嘅制度。例如「遲到三次要記一個缺點」。嚴重嘅仲會記小過同大過。

[4]當你好撚某個人而唔想望到佢，就會「撚歪面」。

[4]「方丈」即係嗰啲小器、記仇或者易發撚嘅人；出自1996年香港電影《食神》少林寺方丈嘅角色，份人極之小器。

[5]「我最期待嘅畫面終於出現」源自電視劇《雷霆掃毒》嘅對白，成為咗流行用語，指期待好耐嘅事情出現，令人覺得滿足同興奮。

[6]「過火」，即係指一個人做咗某啲過份嘅事。

[7] 粵音入面「細佬lou2」同「細路lou6」相似，但係意思有啲分別。「細路」用嚟形容年紀小嘅人，通常係小朋友；而「細佬」係對有血緣關係嘅弟弟嘅稱呼。同時，中國文化習慣對相熟嘅人用家庭稱呼，所以見到啲熟絡嘅小朋友都可以叫佢做「細佬」。

[8]「斷估」意見係單憑直覺做判斷。

[9]「半天吊」可以用嚟形容一個人遇到唔上唔落，兩頭唔到岸嘅尷尬情況。

[10]「噏aai3」都係指好大聲噉叫，同時都可以解做同其他人打招呼，例如我哋成日會話「入屋要噉人」。

[11]「甩手」即係令隻手掙脫，同時有將一啲貨物轉賣嘅意思。

[12]「樹窿」即係習慣聆聽他人心事嘅人。例如「唔知點解個個都鍾意搵我做樹窿」。你身邊有咩人係你嘅「樹窿」呀？

[13]「傻更更」，一般情況下用嚟形容人蠢蠢哋，唔得醒目。同時可以用嚟形容行為舉止可愛嘅人。

[14] 有句說話叫「坐埋同一條船」，即係指大家都係同聲同氣、親密嘅人。

[15] 一個人「眼濕濕」，可能係因為感覺到傷心或感動而眼泛淚光。

[15]「一嚟雲」嘅人成日都搞唔清現實狀況，例如「佢都唔知聽日要考試，一嚟雲噉樣！」